

BOSNA I HERCEGOVINA
FEDERACIJA BOSNE I HERCEGOVINE
BOSANSKO-PODRINJSKI KANTON GORAŽDE
V L A D A

Z A K O N
O IZVRŠENJU BUDŽETA BOSANSKO-PODRINJSKOG KANTONA
GORAŽDE ZA 2007. GODINU

Goražde, mart 2007. godine

Na osnovu člana 23. tačka b) Ustava Bosansko-podrinjskog kantona Goražde ("Službene novine Bosansko-podrinjskog kantona Goražde" broj: 8/98,5/03), na prijedlog Vlade Bosansko-podrinjskog kantona Goražde, Skupština Bosansko-podrinjskog kantona Goražde, na sjednici održanoj _____ godine, donosi

Z A K O N

O IZVRŠENJU BUDŽETA BOSANSKO-PODRINJSKOG KANTONA GORAŽDE ZA 2007. GODINU

I OPĆE ODREDBE

Član 1.

Ovim Zakonom uređuje se struktura prihoda i primitaka te rashoda i izdataka, izvršavanje, prioriteta plaćanja, obim zaduživanja i garancija, upravljanje javnim dugom, te finansijskom i nefinansijskom imovinom, prava i obaveze korisnika budžetskih sredstava, ovlaštenja Vlade Bosansko-podrinjskog kantona Goražde (u daljem tekstu: Vlada Kantona), Ministarstva finansija i Ministra finansija u izvršavanju Budžeta Bosansko-podrinjskog kantona Goražde za 2007. godinu (u daljem tekstu: Budžet), kazne za neispunjenje obaveza, te druga pitanja u izvršavanju Budžeta.

Član 2.

Budžet je procjena godišnjih iznosa prihoda i primitaka i utvrđenog iznosa rashoda i izdataka Bosansko-podrinjskog kantona Goražde (u daljem tekstu:Kanton), koji donosi Skupština Bosansko-podrinjskog kantona Goražde (u daljem tekstu: Skupština Kantona).

Član 3.

Budžetski korisnici su ministarstva, drugi organi uprave i upravne ustanove i ostali čije je finansiranje iz Budžeta predviđeno posebnim propisom (u daljem tekstu: korisnici).

Korisnik koji u svom budžetskom razdjelu sadrži potrošacke jedinice – glave, budžetski je za njih nadležan.

II – TRANSPARENTNOST I JAVNOST BUDŽETA

Član 4.

Budžet prikazuje ukupno i po budžetskim korisnicima analitički sve javne prihode i javne izdatke po računima kontnog plana.

Izvršenje Budžeta objavljuvat će se ukupno i po budžetskim korisnicima u "Službenim novinama Bosansko-podrinjskog kantona Goražde" i službenoj internet stranici.

Odluke Vlade Bosansko-podrinjskog kantona Goražde i budžetskih korisnika o izvršenju Budžeta se objavljuju u "Službenim novinama Bosansko-podrinjskog kantona Goražde".

III – REVIZIJA I KONTROLA BUDŽETA

Član 5.

Reviziju Budžeta za 2007. godinu vrši Ured za reviziju budžeta u Federaciji Bosne i Hercegovine skladu sa Zakonom o reviziji budžeta u Federaciji Bosne i Hercegovine (‘‘Službene novine Federacije BiH’’ broj 48/99).

Nadzor nad upotrebom budžetskih sredstava od strane korisnika obavlja Ministarstvo finansija Bosansko-podrinjskog kantona Goražde (u daljem tekstu: Ministarstvo finansija) na način propisan od Ministarstva finansija.

Ministarstvo finansija obavezno je izvjestiti Vladu o izvršenju Budžeta za prethodnu godinu najkasnije do 30. aprila fiskalne godine. Vlada je obavezna izvjestiti Skupštinu Bosansko-podrinjskog kantona Goražde o izvršenju Budžeta za prethodnu godinu do kraja maja fiskalne godine.

Vlada Bosansko-podrinjskog kantona Goražde dužna je dostavljati Skupštini Bosansko-podrinjskog kantona Goražde, na informaciju, tromjesečne i polugodišnje izvještaje koje Ministarstvo za finansije Bosansko-podrinjskog kantona Goražde podnosi Vladi Bosansko-podrinjskog kantona Goražde u roku od 30 dana nakon podnešenog Izvještaja Vladi.

IV STRUKTURA PRIHODA I PRIMITAKA TE RASHODA I IZDATAKA

Član 6.

Budžet se sastoji od općeg i posebnog dijela i plana razvojnih programa.

Opći dio Budžeta čini Račun prihoda i rashoda i Račun finansiranja.

Posebni dio Budžeta sastoji se od plana rashoda i izdataka budžetskih korisnika raspoređenih u tekuće i razvojne programe za tekuću budžetsku godinu.

U bilansi prihoda i izdataka iskazuju se porezni i neporezni prihodi i drugi prihodi i primici, te izdaci utvrđeni za finansiranje javnih izdataka na nivou Bosansko-podrinjskog kantona Goražde na temelju zakonskih i drugih propisa.

U računu finansiranja iskazuju se primici od finansijske i nematerijalne imovine, inostranih i domaćih grantova, primljeni krediti i zajmovi, te izdatci za otplatu zajmova i kredita.

Član 7.

Račun prihoda i rashoda budžeta sastoji se od:

1) Prihoda:

- prihoda po osnovu poreza
- neporeznih prihoda
- administrativnih i sudskih taksi
- prihoda ostvarenih obavljanjem osnovne djelatnosti i ostalih poslova budžetskih korisnika
- grantova

2) Rashoda:

- tekućih rashoda (izdaci za plaće, naknade, izdaci za materijal i usluge tekući transferi, kamate i subvencije)
- kapitalni transferi.

Član 8.

Raspodjela prihoda od indirektnih poreza koji se prenose na Kanton sa Jedinog računa trezora (u daljem tekstu JRT) između korisnika u Federaciji BiH, vrši se na osnovu utvrđenih odnosa i kriterija raspodjele definisanih Zakonom o pripadnosti javnih prihoda u Federaciji Bosne i Hercegovine ("Sl. novine Federacije BiH", broj:22/06).

V IZVRŠAVANJE BUDŽETA

Član 9.

Sredstva Budžeta osiguravaju se budžetskim korisnicima koji su u Posebnom dijelu Budžeta određeni za nosioce sredstava na pojedinim pozicijama.

Korisnici koriste sredstva samo za namjene koje su određene Budžetom i to do visine određene u njegovom posebnom dijelu, a u skladu sa svojim godišnjim finansijskim planom i po dinamici utvrđenoj tromjesečnim i mjesečnim planovima koje odobrava Ministar za finansije na temelju plana novčanih tokova putem kojih se projiciraju sve uplate i isplate sa JRT.

Član 10.

Na osnovu alokacije budžetskih sredstava, budžetski korisnici pripremaju i podnose prijedloge operativnih budžeta Ministarstvu za finansije.

Korisnici moraju pri ispunjavanju obaveza koje se podmiruju iz Budžeta uzimati u obzir utvrđenu dinamiku priliva i odliva sredstava.

Ministarstvo za finansije izvjestit će budžetske korisnike o odobrenim operativnim budžetima.

Član 11.

Korisnici preuzimaju obaveze za koje su sredstva namjenski iskazana u Posebnom dijelu Budžeta ako je njihovo plaćanje usklađeno sa tromjesečnim i mjesečnim planom izvršavanja.

Iznimno, ako u toku budžetske godine zbog nekog razloga dođe do nastanka novih obaveza ili pak ne dođe do planiranog ostvarivanja prihoda, Vlada Kantona može na prijedlog Ministarstva za finansije donijeti odluku o obustavljanju izvršavanja pojedinih rashoda ili izdataka u trajanju od 45 dana.

Član 12.

Ministarstva koja u svom razdjelu sadrže budžetske potrošačke jedinice-glave, budžetski su nadležna za njih i utvrđuju mjesečne i tromjesečne računске planove izvršavanja izdataka svojih korisnika u okviru odobrenih sredstava.

Član 13.

Korisnici su obavezni Ministarstvu za finansije dostavljati tromjesečne finansijske planove za izvršenje Budžeta petnaest dana prije početka tromjesečja.

Korisnici su obavezni Ministarstvu za finansije i to do 25. u tekućem mjesecu , dostaviti prijedlog mjesečnog računskog plana za slijedeći mjesec po pozicijama utvrđenim tromjesečnim finansijskim planom.

Ako korisnik Ministarstvu za finansije ne podnese prijedlog mjesečnog finansijskog plana u roku iz stava 2. ovog člana, mjesečni plan tog korisnika utvrđuje Ministarstvo za finansije.

Član 14.

Ministarstvo za finansije prenosi neutrošena sredstva po pojedinim pozicijama izdataka iz mjesečnog plana izvršavanja Budžeta na iste pozicije u naredni mjesečni plan izvršavanja Budžeta iste budžetske godine.

Izuzetno, izdaci korisnika koji nisu predviđeni mjesečnim planom izvršavanja Budžeta ili izdaci koji zahtjevaju prekoračenje pojedinih stavki u mjesečnom planu izvršavanja Budžeta (u daljem tekstu: nepredviđeni izdaci), mogu se podmiriti uz saglasnost Vlade Kantona a na prijedlog Ministarstva za finansije.

Vlada Kantona može na prijedlog Ministarstva finansija, uz prethodnu inicijativu resornog ministra, donijeti odluku o prestrukturiranju rashoda u okviru ukupnog iznosa odobrenog za budžetskog korisnika, najviše do 10% ukupno odobrenih rashoda za budžetskog korisnika.

Izuzetno, Vlada Kantona može na prijedlog Ministarstva finansija, uz prethodnu inicijativu resornog ministra, u okviru odobrenog budžeta izvršiti preraspodjelu sredstava između budžetskih korisnika.

Član 15.

Budžet kantona će se izvršavati po slijedećim prioritetima:

1. vanjski dug i kamata,
2. beneficije za socijalnu zaštitu,
3. plate zaposlenih i poslanika
4. transferi za finansiranje opština i projekata u opštinama,
5. ostali tekući transferi,
6. obaveze iz prethodnih godina na teret tekućih sredstava, na osnovu odluka Vlade,
7. ostalo.

Član 16.

Ovlašćuju se rukovodioci kantonalnih organa uprave da, uz prethodnu saglasnost Vlade i uz predhodno mišljenje Ministarstva za finansije, mogu potpisivati ugovore kojima preuzimaju obaveze do vrijednosti do 50.000,00 KM, u okviru raspoloživih sredstava korisnika za koje su odgovorni, a da do iznosa od 5.000,00 KM mogu potpisivati ugovore bez saglasnosti Vlade ali uz predhodno pribavljeno mišljenje Ministarstva za finansije.

Ovlašćuje se Premijer Bosansko-podrinjskog kantona Goražde da može potpisivati Ugovore čija vrijednost prelazi 50.000,00 KM u ime budžetskih korisnika uz prethodnu saglasnost Vlade Bosansko-podrinjskog kantona Goražde.

Ovlašćuju se rukovodioci kantonalnih organa uprave da mogu ovjeravati na plaćanje račune čiji iznos ne prelazi 1.000,00 KM u slučaju da u Budžetu imaju obezbjeđena sredstva za te namjene.

Član 17.

Hitni i nepredviđeni izdatci koji se pojave tokom budžetske godine podmiruju se iz sredstava tekuće rezerve utvrđene budžetom.

Raspodjelu sredstava odobrava Vlada kantona u skladu sa kriterijima za upotrebu sredstava tekuće rezerve, a nakon dobijanja mišljenja Ministarstva za finansije.

Budžetska izdvajanja za tekuću rezervu ne smiju preći 3 % ukupnih prihoda isključujući primitke.

Uštede koje se ostvare u toku fiskalne godine mogu se prenjeti u tekuću rezervu Budžeta do nivoa utvrđenog Zakonom o budžetima u Federaciji Bosne i Hercegovine («Sl. novine Federacije BiH», broj:19/06).

Premijer može raspolagati sredstvima iz Tekuće rezerve budžeta do iznosa od 10.000,00 KM kvartalno.

Ministar za finansije obavezan je kvartalno izvještavati Vladu Kantona o korištenju sredstava tekuće budžetske rezerve.

Član 18.

Ako se tokom godine na osnovu zakona i drugog propisa poveća djelokrug ili nadležnost korisnika, što zahtijeva i povećana sredstva ili se osnuje novi korisnik, sredstva za njegove troškove osiguravaju se iz Tekuće rezerve Budžeta a odobrava ih Vlada.

Ako se tokom godine na osnovu zakona i drugog propisa umanja djelokrug ili nadležnost korisnika, što zahtijeva smanjena sredstva ili se korisnik ukine, neutrošena sredstva za njegove izdatke prenose se u Tekuću rezervu Budžeta ili na korisnika koji preuzme njegove poslove uz odobrenje Vlade.

Član 19.

Budžetskim korisnicima nije dopušteno stvarati obaveze, odnosno rashode ili opterećenja budžetskih pozicija, ako ti rashodi ili opterećenja budžetskih pozicija nisu odobreni u okviru iznosa alociranog za tog budžetskog korisnika.

Rashodi svakog budžetskog korisnika ne mogu prelaziti iznose alociranih budžetskih sredstava odobrenih za svaki mjesec ili drugi vremenski period koji je utvrdilo Ministarstvo za finansije, osim uz saglasnost tog Ministarstva.

Ministar za finansije ima pravo rješenjem obustaviti od izvršenja odluku koja je u suprotnosti sa ovim Zakonom i Zakonom o budžetima u Federaciji Bosne i Hercegovine.

Član 20.

Prikupljeni i naplaćeni javni prihodi koji pripadaju budžetu obavezno se uplaćuju na depozitni račun javnih prihoda budžeta.

Prihodi koje budžetski korisnici ostvaruju obavljanjem vlastite djelatnosti moraju se uplaćivati na depozitni račun javnih prihoda budžeta.

Uplate na osnovu ostvarenih vlastitih prihoda korisnika budžeta evidentirat će se kao vlastiti prihod svakog budžetskog korisnika u Glavnoj knjizi trezora.

Sredstva uplaćena po tom osnovu zadržavaju se na Jedinstvenom računu i postaju javni prihodi.

U skladu s tim korisnici su obavezni da prilikom izrade svog dijela budžeta planiraju rashode koji će biti pokriveni iz vlastitih prihoda.

Član 21.

Prikupljanje javnih prihoda Budžeta vrši se preko računa javnih prihoda (depozitni račun).
Obavljanje platnih transakcija vrši se preko transakcijskog računa koji je sastavni dio Jedinственог računa trezora kojeg otvara Ministarstvo finansija.
Potpisnici naloga platnih transakcija preko računa iz st. 1. i 2. ovog člana su Ministar za finansije i osoba koju na prijedlog Ministra za finansije odredi Vlada.
Ministarstvo za finansije može da otvara podračune po zahtjevima budžetskih korisnika samo u posebnim okolnostima i ti podračuni su sastavni dio JRT.

Član 22.

Neiskorištene aroprijacije i opterećenja ističu 31. januara naredne fiskalne godine.
Aroprijacije se mogu prenositi u narednu fiskalnu godinu za finansiranje kapitalnih projekata iz posebnih fondova, kao i za finansiranje projekata od posebnog značaja za razvoj privrede ili poboljšanje uspjehnosti.
Aroprijacije u svrhu finansiranja višegodišnjih kapitalnih projekata prenose se u narednu fiskalnu godinu prema iznosima i vremenskom rasporedu utvrđenom u višegodišnjem kapitalnom budžetu.

Član 23.

Pogrešno ili više uplaćeni prihodi u Budžet vraćaju se uplatiocima na teret tih prihoda.
Rješenje o tome donosi Ministarstvo finansija.

Član 24.

Budžetskim korisnicima osiguravaju se sredstva za obavezno osiguranje u skladu sa posebnim propisom.
Sredstva za naknadu štete na imovini koja nije osigurana prema stavu 1. ovog člana osiguravaju se u Budžetu i doznačavat će se budžetskim korisnicima na njihov zahtjev.

Član 25.

Sredstva sa pozicija «Naknade troškova uposlenih» doznačavat će se korisnicima Budžeta na osnovu Zakona o državnoj službi u Federaciji Bosne i Hercegovine («Sl. novine Federacije BiH», broj:29/03,23/04,39/04,54/04,67/05,8/06), Zakona o namještenicima u organima državne službe u Federaciji Bosne i Hercegovine («Sl. novine Federacije BiH», broj:49/04), te na osnovu podzakonskih akata i ugovora donesenih na osnovu naprijed navedenih zakona.

Član 26.

Visina dnevnica, naknada troškova za službena putovanja koji nastanu u vezi sa službenim putovanjima za sve korisnike koji se finansiraju iz sredstava Budžeta određuje se na osnovu Uredbe o naknadama za službena putovanja («Sl. novine Federacije BiH», broj:75/04) odnosno Uredbe o naknadama za putne troškove ("Službene novine Bosansko-podrinjskog kantona Goražde", broj: 11/03 i 14/04).

Član 27.

Sredstva utvrđena u razdjelu 10. Budžeta, pozicija "Naknade skupštinskim zastupnicima", doznačit će se Skupštini Bosansko-podrinjskog kantona Goražde na osnovu Zakona o naknadama plaća poslanika i plaćama funkcionera koje bira, imenuje ili čiji izbor i imenovanje potvrđuje Skupština Bosansko-podrinjskog kantona Goražde ("Službene novine Bosansko-podrinjskog kantona Goražde", broj: 5/06).

Član 28.

Postupak nabavke investicijskih dobara i usluga mora se obavljati u skladu sa Zakonom o javnim nabavkama Bosne i Hercegovine («Sl. glasnik BiH», broj:49/04,19/05,52/05,8706,24/06 i 70/06).

Član 29.

Sredstva utvrđena u razdjelu 10. Budžeta, pozicija "Grant parlamentarnim strankama" rasporedit će na korisnike Vlada, po prethodno utvrđenim kriterijima.

Član 30.

Sredstva utvrđena u razdjelu 11. Budžeta, pozicije "Grantovi za RS-pomoć Srebrenici", "Grant općini Goražde", "Grant općini Foča-Ustikolina", Grant općini Pale-Prača", "Transfer za naselja pogođena elementarnim nepogodama", "Grantovi neprofitnim organizacijama", "Udruženje građana", "Grantovi u inostranstvo", "Nabavka opreme", koristiće se na osnovu odluka Vlade.

Za korištenje sredstava utvrđenih u razdjelu 11. Budžeta, pozicije "Bruto plate i naknade", "Naknade troškova zaposlenih", "Doprinosi poslodavca", "Putni troškovi", "Izdaci za komunalne usluge", "Nabavka materijala", "Izdaci za tekuće održavanje", "Izdaci osiguranja bankarskih usluga", "Ugovorene usluge", ovlašćuje se Sekretar Vlade.

Za zakonito izvršavanje budžeta Vlade iz razdjela 11. odgovoran je Sekretar Vlade.

Sredstva utvrđena u razdjelu 11. Budžeta, pozicije "Izdaci za inozemne kamate", "Otplate dugova primljenih kroz državu", usmjeravat će se u skladu sa ostvarenim prilivom sredstava u Budžetu.

Član 31.

Sredstva utvrđena u razdjelu 11. i 21. Budžeta, pozicija "Udruženja građana" koristiće se po programima i kriterijima koje donosi Vlada

Član 32.

Sredstva utvrđena u razdjelu 13., 19., 23. Budžeta, pozicija "Kapitalni grantovi" koristiće se po programima i kriterijima koje donosi Vlada.

Član 33.

Sredstva utvrđena u razdjelu 11., 17., 19., 20., 21. i 23. Budžeta, pozicije, "Grantovi pojedincima", koristiće se po programima i kriterijima koje donosi Vlada.

Član 34.

Sredstva utvrđena u razdjelu 11., 14., 15., 17., 19., 20. i 23. Budžeta, pozicija Budžeta "Grantovi neprofitnim organizacijama", koristiće se po programima i kriterijima koje donosi Vlada.

Član 35.

Sredstva utvrđena u razdjelu 11., 17. i 21. Budžeta, pozicija "Učešće u zajedničkim ulaganjima" koristiće se po programima i kriterijima koje donosi Vlada.

Član 36.

Sredstva utvrđena u razdjelu 17. i 19. Budžeta, pozicije "Subvencije javnim preduzećima", "Subvencije javnim ustanovama", "Subvencije za podsticaj investicija", "Subvencije za poljoprivredu" koristiće se po programima i kriterijima koje donosi Vlada.

Član 37.

Sredstva – pozicije "Nabavka opreme, građevina, investicija i investicionog održavanja, rekonstrukcija, nabavka robnih rezervi i sl.", doznačavat će se korisnicima budžeta nakon provedenog postupka predviđenog važećim zakonskim propisima koji regulišu ovu materiju

Član 38.

Nadležni korisnici budžetskih sredstava obavezni su predložiti Vladi programe utroška sredstava iz čl. 31., 32., 33., 34., 35. i 36. ovog zakona.

Bitni elementi programa su: naziv programa, opis programa (općih i posebnih ciljevi), potrebna sredstva za provođenje programa, potreban broj radnika za provođenje programa, kriteriji za raspodjelu sredstava, izvori sredstava, procjenu rezultata, procjenu nepredviđenih rashoda i rizika.

Sredstva se ne mogu koristiti prije nego što to Vlada utvrdi odlukom.

O utrošenim sredstvima iz stava 1. ovog člana budžetski korisnici dužni su prije podnošenja novog zahtjeva dostaviti izvještaj o predhodno utrošenim sredstvima Ministarstvu za finansije.

Član 39.

Prikupljanje javnih prihoda Budžeta vrši se preko računa javnih prihoda (depozitni račun).

Obavljanje platnih transakcija vrši se preko transakcijskog računa koji je sastavni dio Jedinog računa trezora kojeg otvara Ministarstvo finansija.

Potpisnici naloga platnih transakcija preko računa iz st. 1. i 2. ovog člana su Ministar za finansije i osoba koju na prijedlog Ministra za finansije odredi Vlada.

Član 40.

Prihodi koje budžetski korisnici ostvaruju obavljanjem sopstvene djelatnosti moraju se uplaćivati na depozitne račune javnih prihoda Budžeta.

Uplate po osnovu ostvarenih sopstvenih prihoda korisnika Budžeta evidentirat će se kao sopstveni prihod svakog budžetskog korisnika u Glavnoj knjizi trezora.

Sredstva uplaćena po tom osnovu ostaju na Jedinom računu i postaju javni prihodi.

U skladu s tim korisnici su obavezni da prilikom izrade svakog dijela Budžeta planiraju rashode koji će biti pokriveni iz vlastitih prihoda.

IV – KAZNENE ODREDBE

Član 41.

Novčanom kaznom od 1.000 KM do 5.000 KM kaznit će se za prekršaj odgovorno lice korisnika Budžeta:

1. ako sredstva Budžeta ne upotrebljava za one namjene za koje su sredstva utvrđena i ako preuzme obavezu iznad utvrđene u Budžetu (član 8.stav 1.);
2. ako sredstva Budžeta ne upotrebljava u skladu sa svojim planovima (član 8.stav 2.);
3. ako Ministarstvu finansija ne dostavi tromjesečni plan u propisanom roku (član 12.);
4. ako postupi suprotno članu 31., 32., 33., 34., 35. i 36. Zakona.

V PRELAZNE I ZAVRŠNE ODREDBE

Član 42.

U slučaju da drugi zakoni i propisi sadrže odredbe o načinu izvršavanja budžeta i pravima i obavezama korisnika budžetskih sredstava, koje su u suprotnosti s ovim Zakonom, primjenjivat će se odredbe ovog Zakona.

Član 43.

Ovaj zakon stupa na snagu narednog dana od dana objavljivanja u "Službenim novinama Bosansko-podrinjskog kantona Goražde" a primjenjivat će se za fiskalnu 2007. godinu.

**SKUPŠTINA
BOSANSKO-PODRINJSKOG
KANTONA GORAŽDE**

Broj: _____/07

_____ 2007. godine

G O R A Ž D E

PREDSJEDAVAJUĆI

dr. Alija Begović

O B R A Z L O Ž E N J E

Nacrta Zakona o izvršenju Budžeta Bosansko-podrinjskog kantona Goražde za 2007. godinu

PRAVNI OSNOV ZA DONOŠENJE ZAKONA

Pravni osnov za donošenje Zakona sadržan je u odredbama člana 23. tačka b) Ustava Bosansko-podrinjskog kantona Goražde, u kome je utvrđeno da Skupština Kantona donosi zakone i druge propise u okviru izvršavanja nadležnosti Kantona.

Vlada Kantona kao ovlašteni predlagač utvrdila je tekst prijedloga Zakona i isti uputila u dalju skupštinsku proceduru.

OBRAZLOŽENJE POJEDINIH ODREDBA ZAKONA

Nacrt Zakona sadrži 7 poglavlja i to:

- I OPĆE ODREDBE
- II TRANSPARENTNOST I JAVNOST BUDŽETA
- III REVIZIJA I KONTROLA BUDŽETA
- IV STRUKTURA PRIHODA I PRIMITAKA TE RASHODA I IZDATAKA
- V IZVRŠAVANJE BUDŽETA
- VI KAZNE NE ODREDBE
- VII PRELAZNE I ZAVRŠNE ODREDBE

U Poglavlju I Općim odredbama Zakona (članovima 1-3.) definisano je šta se uređuje nacrtom Zakona.

Poglavlje II sadrži Odredbe odnose se na transparentnost i javnost budžeta

Poglavlje III sadrži odredbe koje se odnose na reviziju i kontrolu budžeta

U poglavlju IV Odredbama koje se odnose na Strukturu prihoda i primitaka te rashoda i izdataka i to članovima od 6-8 utvrđena je struktura prihoda i primitaka, te rashoda i izdataka.

Poglavljem V – Izvršavanje Budžeta - utvrđeni su postupci nabavke roba, usluga i radova, dinamika izvršavanja Budžeta po osnovu mjesečnih planova, alokacije raspoloživih budžetskih sredstava, te prioriteta izvršenja Budžeta. Takođe, ovim poglavljem utvrđena je obaveza budžetskih korisnika za pripremu i podnošenje prijedloga operativnih budžeta. Pored toga utvrđena je zabrana korisnicima da stvaraju obaveze, odnosno rashode ili opterećenja budžetskih pozicija ako ti rashodi i opterećenja nisu odobreni u okviru iznosa alociranog za tog korisnika.

Poglavljem VI sadrži kaznene odredbe.

Poglavlje VII sadrži prelazne i završne odredbe

PREDLAGAČ:
VLADA KANTONA